



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolutiones ... quàm brevissimè
continentur

Zerola, Tommaso

Coloniae Agrippinae, 1680

Inquisitores.

urn:nbn:de:hbz:466:1-10447

INCESTUS.

Incestum committens, tam in muliere, quàm in homine, quomodo puniatur, vide Clar. §. incestus, ver. sed quero, quæ sit pœna, ubi habetur, quòd mulier quædam fuit fustigata, quædam pecunia mulctata, quidam ad triremes condemnatus.

INCOMPATIBILITAS.

Primò, incompatibilia beneficia, quæ dicuntur, vide Rebuff. de dispensat. at. in ver. incompatibilia, à nu. 1. & infra. vide in ver. parochia, §. 4. & in ver. canonica, §. 6. Staphyl. de lit. grat. f. 73. num. 9. Selua tract. de benef. qu. 39. p. 3.

Secundò, duobus modis potest dici incompatibilitas, primò, ratione sufficientiæ, & sic habere plura beneficia, etiã simplicia, non licet sine peccato, si unum tantùm est sufficiens, ita D. Hier. in c. 1. 44. dist. Selu. loc. cit. Conc. Trid. sess. 24. c. 17. de reform. secundò, residentiæ, ut duos canonicatus, duas parochiales, duas præbendas, duas capellanias, & quæcunque beneficia, & requirementia residentiã de jure statuto, consuetudine, legato, Staph. nu. 73. nu. 2. & 9.

INGRESSUS RELIGIONIS.

Quando jura loquuntur de ingressu Religionis, prout Bul. Pii V. 50. de admitt. resign. & alia quàm plurima jura, de quo ingressu loquuntur, de

ingressu monasterii solùm, absque susceptione habitus, vel de habitus susceptione, absque professione, vel de professione?

Respondetur, quoad primum, Nav. conf. 6. de regul. quòd incurritur excommunicatio, prout sess. 25. ca. 18. de reg. quoad secundum & tertium, intelligi debet vacare beneficium, prout in cap. si annum, de regul. lib. 6. cætera vide in ver. possessio, & in ver. monac. & in ver. Regularis.

INJURIA.

Primò, pro injuria facta Ecclesiæ, vel Episcopo, vel personæ ecclesiasticæ, judex potest procedere ex officio, ut in l. si quis in hoc genus, per Bal. capit. de Episc. & cler. facit, ca. si quis deinceps, 17. qu. 4. Afflic. in const. num. 50.

Secundò, injuria potest fieri duobus modis, & dicit Clarus in §. injuria. sed ego addo tertium, nempe verbis, factis, id est, percussione, & scripto, ut libellis famosis, prout dictum est in 1. p. in ver. libellus famosus, vel literis, vel cantilenis, & de pœnis injuriarum, vide Clar. loc. cit.

INQUISITORES.

Inquisitores generales possunt procedere contra maleficas, incantatores, & superstitionum observatores, Alex. VI. Bull. 12. Adria. VI. Bull. 5. etiam contra prælatos hæreticos, & hæreticorum fautores, Pius IV. Bul. 84. & possunt legere, & tenere libros prohibitos, & a-

& aliis licentiam dare, idem *Bull.* 108.
nec syndicantur, *Inn. IV. Bull.* 3.

IRREGULARITAS:

Primò, quia dictum est Episcopum posse dispensare super irregularitate occulta (excepta, &c.) Dubitatur primò, an dicatur occulta, si presbyter alias excommunicatus, celebrat coram aliquibus, eam excommunicationem ignorantibus: secundò, an si auditores ipsi sciunt talem presbyterum esse excommunicatum, sed nesciunt, quòd celebrando cum tali censura, sit irregularis: tertio, & si sciunt utrumque, tamen sunt duo, vel tres tantum, vel quatuor, sit irregularis?

Respondetur, quòd in nullo istorum trium casuum potest dici publica irregularitas, & consequenter posse Episcopum cum illo dispensare, per *d. ca. liceat*, ita *Navar. conf. 2. de cler. non ordin. min. & in Manua. capit. 27. num. 250.* imò etiam si esset coram quatuor, vel quinque personis, ut probavimus in *ver. Excommunicatio, de cau. for. dub. 6.*

Secundò, quia dictum est clericum accipientem aliquod Sacramentum cum aliqua censura ecclesiastica, effici irregularem, an hoc sit verum in omni Sacramento; nam si hoc esset verum, sequeretur, quòd aliquis sciens, vel scire debens, se excommunicatum, & confirmaretur, confiteretur, communicaret, contraheret matrimonium, vel acciperet extremam Unctionem, efficeretur irregularis,

Respondetur primò, quòd solum in Sacramento Ordinis, i. exercendo actus ordinis peculiaris, non in aliis, imò in Sacramento ordinis, si non esset excommunicatus, vel suspensus, vel interdictus, non efficeretur irregularis; tertio, sed si ordinaretur, vel ante aetatem, vel sine dimissoriis, vel titulo, vel extra tempora, solum efficeretur irregularis in ordine presbyteri, non autem in aliis duobus sacris ordinibus, quia in his solum esset suspensus: quartò, & in minoribus, neque suspensus: ratio est, quia in ordine presbyteratus accipit & conficit, accipiendo fit suspensus, conficiendo irregularis, in duobus solum suspenditur, sed si exercuerit illos, efficitur irregularis: quintò, in minoribus non suspenditur de jure, nisi ob *Bullam Sixti V.* sed quia ista est jam revocata, per *Greg. XIII.* ideo non fiunt neque suspensi, neque irregulares, etiam si exercuerint, *Nav. conf. 3. de cler. excom. celebr. oppositum dicitur in 3. p. in ver. dimissoria*, quoad ordinantem; incurrit enim ordinans ordinando aliquem, etiam in prima censura sine literis, sive inferioris, *ca. fin. de temp. ordin. lib. 6.* hoc fallit, quando innodatus aliqua censura ecclesiastica, exerceret actum peculiarem ordini minori, quia tunc esset irregularis, prout dictum est in *ver. dimissoria, s. secundo*, & hoc quando ut clericus, & non ut laicus, sed incurrit excommunicationem, & efficitur irregularis, qui accipit ordines simoniacè, *Nav. conf. 97. nu. 10. de simon. & in Manua. ca. 23. n. 3. ver. at ubi*, ubi ait, quòd ordinatus simoniacè non solum